

quendam, *Gialalabath* appellatur: hic Bracmanes vectigalia exigunt ipsis à Rege Bruarate concessa. post dies deinde quindecim *Talhan* devenerunt: ubi mensem unum substiterunt civili tumultu deterriti. nam ex rebellionem Calciensium populorum itinera minus secura ferebantur. hinc in *Cheman* pergentes, sub *Abdulahan* Rege *Samarhan*, *Burgavia*, & *Bucharate*, aliorumque Regnorum conterminorum oppidum est exiguum, cujus Præfectus ad Negotiatores misit, qui moneret intra muros sese reciperent, extra non satis tutum esse à tumultuantibus Calciensibus: verum Negotiatores responderunt: Velle se tributa pendere, & nocturnis horis iter suum persequi. Verum oppidi Præfectus plane inhibuit, asserens rebelles Calcienses equis hætenus carere, quos si comitatu rapuissent, iis ipsis acrius populaturos, &